



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1-100/20  
Sarajevo, 10.04.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 09.04.2020. do 08:30 sati 10.04.2020. godine**

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Od JU Zavod za javno zdravstvo Kantona Sarajevo dobili smo slijedeće podatke vezane za koronavirus:



## Izveštaj za dan 09.04.2020. godine

Broj testiranih u toku 24 h	Pozitivnih tokom 09.04	Broj hospitaliziranih (ukupno):	Aktivnih Rješenja o kućnoj izolaciji na osnovu epidemiološkog izvještaja o COVID + i Kantonalnog Ministarstva zdravstva
189	0	Ukupno 16 na respiratoru 1 u oporavku 2	48
Broj potpuno oporavljenih u protekla 24 h	Broj smtnih ishoda u 24h		
0	0		

## Kumulativ 30.01.-09.04.2020.godine

Testirano ukupno	Pozitivnih ukupno	Izliječenih:	Smrtnih ishoda u KS
1060	57 (4 retestirano)	2	4

Prema izvještaju dobijenim od JU „Studentski centar“ Sarajevo (jučer u 10:44 sati) u objektu Studentskog doma „Bjalave“, smješteno je 86 osoba koje su stigli iz Italije, Švedske i Francuske za koje su osigurani svi neophodni sanitarni, zdravstveni i drugi uslovi za boravak u prostorijama Studentskog doma „Bjelave“. Također, u navedeni objekat su smještene i tri osobe koje nisu poštovale rješenje nadležnog organa o kućnoj izolaciji.

Služba za veterinarske poslove je u skladu sa Dinamičkim planom provođenja zdravstveno-sanitarnih mjera na području Kantona Sarajevo u toku jučerašnjeg dana bila angažovana na planskoj i sistemskoj dezinfekciji javnih objekata i površina na području Kantonu Sarajevo, dok su uposlenici KJKP Rad u skladu sa Vanrednim operativnim planom pranja i dezinfekcije javno-prometnih površina bili angažovani na pranju i dezinfekciji ulica na području općina: Stari Grad, Centar, Novo Sarajevo i Novi Grad, Ilidža i Vogošća.

Dana, 09.04.2020. godine u skladu sa naredbom Štaba, volonteri općinskih organizacija Crvenog križa su dostavili lijekove na adrese 4 osobe koje su starije od 65 godina i koje nemaju bližnjeg srodnika da se brinu o njima.

### Općinski štab civilne zaštite Hadžići:

Po nalogu Općinskog štaba civilne zaštite Služba za vodosnabdijevanje i asanaciju terena je bila angažovana na dezinfekciji ulica i na dostavi pitke vode sa cisternama u rezervoar u kampa Ušivak gdje su smješteni migranti, dok je Crveni križ vršio dostavu hrane i drugih potrepština osobama koje su u stanju socijalne potrebe.



## **Općinski štab civilne zaštite Vogošća:**

U sklopu aktivnosti na provođenju mjera na sprečavanju i suzbijanju širenja zarazne bolesti korona virusa, Općinski štab civilne zaštite Vogošća je izvršio nabavku dva tunela za dezinfekciju, koji su montirani ispred OJ Dom zdravlja Vogošća i ispred zgrade Općine Vogošća, tako da će sve osobe prilikom ulaska i izlaska iz navedenih objekata biti dezinfekovane. Aktivisti Crvenog križa Vogošća su dostavili tople obroke na adrese korisnika javne kuhinje Crvenog križa, te posjetili šest porodica i uručili im prehrambene namirnice.

**Od ostalih općinskih štabova civilne zaštite s područja Kantona Sarajevo** putem njihovih operativnih centara civilne zaštite smo obavješteni, da su u cilju smanjenja rizika unošenja koronavirusa u zdravstvene ustanove, kao i zaštite zdravstvenih radnika i pacijenata koji ulaze u zdravstvene ustanove u prethodnom periodu ispred Opće bolnice „Prim. dr. Abdulah Nakaš“ i ispred Domova zdravlja Stari Grad, Novo Sarajevo, Ilidža i Vogošća postavljeni su tuneli za dezinfekciju. također, smo obavješteni da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava, te dostavi paketa sa osnovnim životnim potrebštinama osobama koje su u stanju socijalne potrebe.

U izvještajnom periodu Kantonalni operativni centar civilne zaštite primio je tri informacije o pronalasku NUS-a i to:

- dana, 09.04.2020. godine u 09:30 sati od strane građanina, da je u Rakovici u ulici Zelena Meraja br. 5., Općina Ilidža, pronađen jedan nepoznat NUS;
- dana, 09.04.2020. godine u 11:45 sati od Op službe CZ Trnovo, da je u selu Rahovići pronađen jedan NUS;
- dana, 09.04.2020. godine u 13:40 sati od Op službe CZ Hadžići, da je u naselju Kasetići, pronađen jedan tromblon.
- dana, 10.04.2020. godine u 08:00 sati od Op službe CZ Ilijaš, da je u ulici Bosanski put bb pronađen nepoznat NUS.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Kantonalne uprave civilne zaštite Kantona Sarajevo u izvještajnom periodu imali su 21 intervenciju od toga jednu veću i 20 intervencija manjeg intenziteta.

Dana, 09.04.2020. godine u 16:58 sati došlo je do požara na kući u ulici Bosanskih Kraljeva bb. U intervenciji je učestvovalo 17 vatrogasaca sa tri vatrogasna vozila, požar je lokalizovan u 17:10 sati a likvidiran u 17 :24 sati, povrijeđenih nije bilo.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 4°C, relativna vlažnost zraka 55% a barometarski pritisak 948,2 hPa.

**BIHAMK:** Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1